

**Bendishoná** ta nifiká **felisidat**, **ser envidia**, **spiritual-mente próspero**, ku **alegria**, **satisfakshon**, **fabor i salbashon** di **Dios**, **grasia** di **Dios**, **goso i plaser** den **Dios**, **independiente** di **sirkunstansianan**.

Esaki nan ta un par di nifikashonnan di e palabra rais di **Bendishoná**. Es desir abo ta **Bendishoná**. **Bendishoná** lo bo ta den bo trabou. **Bendishoná** lo bo ta den kunuku. **Bendishoná** lo ta e fruta di bo barika. **Bendishoná** lo ta e kosecha di bo tera. **Bendishoná** lo ta e yunan di bo bestianan. **Bendishoná** lo bo kas ta. **Bendishoná** lo ta e oumento di bo kria di bestianan. **Bendishoná** lo ta e simia di bo kurpa. **Bendishoná** lo ta bo kòmchi-pa-traha-mansa. **Bendishoná** lo bo ta ora bo dreña. **Bendishoná** lo bo ta ora bo sali.

Un otro palabra pa **Bendishoná** ta **ser envidia**. **Nos** ta wòrdu **envidia** tur dia, pasobra **Nos** tin algu ku **e otro**, **e diabel i su demoñonan** no tin. **Nos** tin **felisidat**, **alegria**, **goso**, **fabor**, **grasia** i **plaser** den **Dios**. **Nos** mester laga **Nos felisidat**, **alegria**, **goso**, **fabor**, **grasia** i **plaser** den **Dios** ta **independiente** di **sirkunstansianan**. Tur **Nos sirkunstansianan** mester ta bou di e **grasia di Dios**. **Nos** mester sa dikun **Nos** ta wòrdu **envidia**.

**Nos** ta wòrdu **envidia**, pasobra **Nos** ta e **Vensedónan**. No ta **Nos** guera, ta un guera entre **Dios** i **satanas**. Ta pa esei tin skirbi ku **Nos** no ta lucha kontra ser humano, sino kontra **e outoridatnan**, **e gobernantenan** i **e gobernadornan** spiritual di **e mundu** den **skuridat** akí i kontra e spiritunan **malu** ku ta biba den e regionnan selestial (**Efesionan 6:12**).

Un dia **SEÑOR** a puntra **satanas**, **e akusadó** 'B'a paga tinu riba mi sirbidó Job?'. 'No tin niun hende manera e na **mundu**. E ta **honesto** i di **kondukta ireprochabel**, e tin **respèt** di **Mi** i ta **evitá di hasi maldat**.' **Satanas** a respondé: 'Akaso Job no tin motibu pa **respetá Dios**? Bo n' pone un **protekshon** ront di dje, di su famia i di tur loke e ta poseé? Bo a **Bendishoná** trabou di su man di manera ku su trupanen di bestia, grandi i chikí ta yena henter e pais. Pero rèk bo man i **destruí tur loke e tin** i **lo e blasfemá** bo abiertamente. Ta bon,' **SEÑOR** a bisa **satanas**. 'Tur loke e tin ta bai den bo poder, pero no mishi ku Job su **alma**.(**Job 1:6-12**)

**Nos Señor**, **nos Salbador** ta yamando **Nos**, **Nos** ku ta e **Vensedónan**. E **Vensedónan** ta **Nos** ku tin e **revelashon** di e **Mesias** i ku por **testiguá** ku **Yeshua ta e Mesias**. E **Vensedónan** ku por **demostrá** e **poder** i **gloria** di **Yeshua Mesias** den tur **nos sirkunstansianan**. Esaki ta e **propósito** di e **Vensedónan** den **Yeshua**. E echo semper tabata i ta ku e **Vensedónan** lo tin e **revelashon**, **testiguá** i **demostrá** **Yeshua Mesias** komo e **propósito** di **Dios** pa **Nos** riba e **mundu** aki. **Nos**, e **Vensedónan**, no ta na **mundu** pa **Nos** wòrdu konstantemente **desepshoná**, **desanimá**, **derota**, **desaprobá**, **Nos**, e **Vensedónan**, ta na **mundu** pa **Nos** mustra e **mundu** ku **Dios Tata tin Poder** i ku ta **Shelu ta manda**, ku **Dios Tata ta doño** di e **mundu** i **Shelu**.

Un **kreyente derota, desepshoná** òf **desanimá** den **Yeshua** ta un **kontradikshon** pasobra esaki no ta bo **propósito** òf **destino**.

Lanta ariba i biba bo **Fe** di akuerdo ke e **Bèrdat**. E **Viktoria** di e **Vensedónan** ta un **Hòmber** ku ta **biba den abo** i ku ta mas **Grandi** ku tur ku por bini kontra di **abo**. E **diabel** por purba di stroba abo, dor di **sirkunstansianan**, pero un **Yui di Dios Tata**, un **Vensedó**, sabí ken e ta den **Kristu, Mesias** i no por wòrdu **derota**, pasobra e tin e **Viktoria** den su man. **Yeshua** a **derota satanas** kaba. E úniko kos ku e **satanas** por hasi ta purba di stroba **Nos**, pero **Nos** ta **Bendishoná**.

**Nos** ta **Bendishoná** i e úniko kos ku **Nos** mester hasi ta **obedesé** i sigui e **Enseñansa** ku **Nos** a risibí di **Dios Tata**.

**Nos** ta **Bendishoná** i e úniko kos ku **Nos** mester hasi ta **obedesé** i sigui e **Lei (Torah)** ku **Yeshua**, a bin **aklará** i **splika nos**.

**Nos** ta **Bendishoná** i e úniko kos ku **Nos** mester hasi ta **konfia** i **stima** e **Spiritu Santu** ku **Nos** a risibí di **Yeshua, Esun Ungi**.

16 September 2016  
Sea Bendishoná den e Amor di Yeshua Mesias  
Rev. Remsly L Riley